



# Kekfwa dan 100 an pou LDS

**L**er zot ganny dir ki dan 100 an ki zot pou vin opouvwar dan Sesel, LDS i nerve. Laverite in toultan ofans son met. 18 mwan in tro bokou letan pour LDS, akoz zot lentansyon se vir nou pei anba lao. Antouleka, si ti napa Prezidan Danny Faure dan Legzekitiv pe travay dan linite ek sa Lasanble pour met Sesel premye, si Parti Lepep ti decide anvoy tou anler avek bann rezilta

eleksyon resan apre tou sa travay, Sesel ek Seselwa ti pou dan en sitiasyon vreman dezespere. Nou ti pou viv sa lavi ki nou kanmarad i viv dan bokou pei ki sok nou e ki nou abitye regard lo televizyon.

Seselwa pa en nasyon antete, alor an 2021 i pa pou elekte sa group 'piler', en group ki konn zis tir revanz e senm divizyon pour al fer dezord ni State House ni dan Lasanble.

2021 nou pep pou dir mersi bokou LDS me non mersi zot pa pou blok nou progres ni endividyel ni pour nou fanmir e ni pour nou zoli pei.

Seselwa pou elekte dimoun ki senser pour travay pour zot. En lekip ki met dimoun premye. Ki pa anpese ni retard progres. En lekip ki krwar dan zot progres. Ki pa pou blok latransparans. Ki pa malis. Ki krwar dan linite e lape pour nou pei. Ki travay

*(Kont...p2)*

# Lekel bann dimoun ki LDS pe targetete?

**I**annan en group dimoun kle ki LDS, olye travay pour Seselwa, pe targetete. Tel ki nou de ansyen Prezidan René e Michel, Sef Ziz, Dokter Patrick Herminie, Msye Hendricks Gappy parmi plizyèr lezot. Ki sa bann dimoun i annan an komen? Ramkalawan oswa lopoziyon in toultan vwar zot koman zot oponan oswa rival. E pour en rezon ou en lot lopoziyon i blanm sa bann dimoun pour ki zanmen zot in ganny elekte o pouvwar.

Nou de ansyen Prezidan in travay dir, sakrifye zot lavi pour devlop sa pei e zot travay in anpese ki lopoziyon in mont

opouvwar. Sef Ziz ti ziz kes Ramkalawan letan i ti perdi an 2015 e vi ki Ramkalawan pa ti ganny rezon, alor byensir zot pa pou kontan sa madanm malgre i pe fer en bon travay pour met lakour an ord e zidisyer lo en o nivo, ki menm zot bann avoka dan lopoziyon i avoue. Dokter Herminie, evidaman sa bay Ramkalawan ki ti travay Larivyer Anglez ek son neve-Wilbert Herminie sa novis dan politik ki ti bat Ramkalawan dan eleksyon. Msye Hendricks Gappy in travay byen e lopoziyon pa'n kapab fer li vin en karya pour zot ganny eleksyon, alor zot pa pou kontan li.

Bann lenstitisyon in ganny kree

par noumenm e nou bann sitwayen pa per pour zot ganny 'investigate' kont okenn lakizasyon lopoziyon. Fer sa ki zot krwar zot kapab fer pour sali limaz nou sitwayen, pour esey abes Parti Lepep, me nou kontinyen dir avek lopoziyon ki laverite pa pou zanmen lo zot kote.

Zot pe rod tribinal laverite, napa problem. Parti Lepep in dakor ki ler in arive pour koste nou pep e anmenn linite dan nou pei. Me pa krwar en tribinal laverite i konsern zis Parti Lepep. I annan bokou zot ki ozordi zot dan lopoziyon ki lopoziyon pa pou kapab protez zot.

## Kekfwa dan 100 an pou LDS

(Kont...p1)

baze lo prensip lapartaz, legalite e lazistis sosyal.

En lekip ki pe fer tou pour li koriz okenn lerer ki'n kapab arrive, ki pare pour aranz kot

in al mal akoz son priyorite se Sesel ek Seselwa.

Produced, Published by the **PARTI LEPEP.**

Tel: 428 49 00 P.O.Box 1242, Victoria, Mahe, Seychelles. Printed By **NISA PRESS.**